

Broj: 13/04-02-3-967-1/23 S.K.
Sarajevo, 26.07.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:	28-07-2023		
Org. jed.	Broj	Priloga	Vrijednost
	05/1 - 02-	221	/23

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI/PREDSTAVNIČKI DOM
Tajnik/Sekretar

n/p Ivan Miličević, tajnik/sekretar

PREDMET: Odgovor na zastupničko pitanje, dostavlja se

Aktom broj: 05/1-02-221/23 od 07.07.2023. godine, prosljedili ste nam pitanje zastupnika Zastupničkog/Predstavničkog doma Parlamenta Federacije BiH, gosp. Čavalić Admira postavljenog na 7. vanrednoj sjednici Zastupničkog doma Parlamenta Federacije BiH održanoj 06.07.2023. godine, a koje je naslovljeno na Poreznu upravu Federacije BiH.

U prilogu akta dostavljamo odgovor na postavljeno zastupničko pitanje.

S poštovanjem,

Prilog: Odgovor na zastupničko pitanje

Dostaviti:
1. Naslovu
2. U spis
3. a/a



DIREKTOR

Mr. sc. Serif Isović

Broj: 13/04-02-3-967-1/23 S.K.
Sarajevo, 26.07.2023. godine

N/r gosp. Admir Čavalić, zastupnik

PREDMET: Odgovor na Vaše zastupničko pitanje, dostavlja se

Poštovani,

Porezna uprava Federacije BiH – Središnji ured Sarajevo zaprimila je akt Parlamenta Federacije BiH, Zastupnički/Predstavnički dom broj: 05/1-02-221/23 od 07.07.2023. godine kojim se od Porezne uprave Federacije BiH traži odgovor na Vaše sljedeće zastupničko pitanje: „Kad su u pitanju kontrole obveznika za igre na sreću da li je urađeno dovoljno kontrola i da li su ostvareni planirani efekti? Da li postoje obveznici kojima nisu pokrivena obaveze (izdati nalozi za plaćanje)?“.

Shodno dostavljenom pitanju, informišemo Vas da prema evidencijama Porezne uprave Federacije BiH, u vremenskom periodu od 01.01.2022. do 31.12.2022. godine, djelatnost priređivanja igara na sreću klađenja, na području Federacije BiH obavljalo je 12 (dvanaest) poreznih obveznika sa 2.243 uplatnih mjesta, djelatnost priređivanja igara na sreću na automatima i kasinu 25 (dvadeset pet) privrednih društava sa 80 poslovnih jedinica, te djelatnost priređivanja igara na sreću Tombola-Bingo u zatvorenom prostoru obavljala su 2 (dva) sportska društva/sportska saveza.

Inspekcijski nadzori iz nadležnosti Porezne uprave Federacije BiH se provode redovno i kontinuirano u skladu sa Godišnjim planom inspekcijskog nadzora, prikupljenim obavještajnim podacima, donesenim operativnim planovima, eksternim zahtjevima drugih institucija, te prijavama građana.

Godišnji plan inspekcijskih nadzora Porezne uprave Federacije BiH je zasnovan na odabranim kriterijima i rizicima i prije svega podrazumjeva identifikovanje poreznih obveznika koji su stalni kršiocu poreznih zakona, koji nisu bili predmet kontrole u prethodnom periodu.

Analiza rizika podrazumijeva primjenu kriterija rizika, za sve porezne oblike, u cilju identifikovanja poreznih obveznika u grupe rizika, prema nivoima rizičnosti i veličini. Izbor obveznika na osnovu analize rizika, ključni je element efikasnog plana inspekcijskih nadzora. Planiranje inspekcijskih nadzora vrši se prema stepenu rizika i u skladu sa raspoloživim ljudskim resursima.

U periodu 01.01.2022. do 31.12.2022. godine Porezna uprava Federacije BiH izvršila je 6 (šest) potpunih inspekcijskih nadzora priređivača igara na sreću u kojima su utvrđene dodatne porezne obaveze u ukupnom iznosu od 5.805.472,41 KM. Od ukupnog broja potpunih inspekcijskih nadzora, dva inspekcijska nadzora su izvršena kod priređivača igara na sreću koji obavljaju djelatnost klađenja, a četiri inspekcijska

nadzora su izvršena kod poreznih obveznika koji priređuju igre na sreću na automatima.

Takođe, u navedenom izvještajnom periodu izvršeno je 259 djelimičnih inspekcijskih nadzora priređivača igara na sreću, u predmetu kontrole zakonitosti priređivanja igara na sreću, odnosno posjedovanja odobrenja za rad Federalnog ministarstva finansija (sportske kladionice i automat klubovi) i odobrenja Porezne uprave Federacije BiH (sportska društva i sportski savezi), kontrole zakonitosti zapošljavanja radnika, kontrole evidentiranja prometa putem fiskalnih uređaja.

U inspekcijskim nadzorima je, zbog utvrđenih nepravilnosti, izdato ukupno 229 prekršajnih naloga sa izrečenom novčanom kaznom u ukupnom iznosu od 438.050,00 KM, donesena su 24 Rješenja o privremenoj zabrani obavljanja poslovnih djelatnosti i poslovni objekti su zapečaćeni.

Porezni obveznici su do 31.12.2022. godine, uplatili novčane kazne u ukupnom iznosu od 114.720,00 KM ili 26,19 %. Određeni broj pravnih lica i odgovornih lica u pravnim licima je shodno Zakonu o prekršajima („Službene novine Federacije BiH“, broj: 63/14), u roku 8 dana od dana uručenja prekršajnog naloga, uplatilo 50 % iznosa izrečenih novčanih kazni, što je bio uslov za oslobađanje od plaćanja preostalih 50 % izrečenih kazni.

Prema Godišnjem planu inspekcijskih nadzora za 2022. godinu, planirano je da će 176 inspektora provoditi inspekcijski nadzor, a za provedbu inspekcijskih nadzora imaju 183 radnih dana po inspektor.

U posmatranom periodu od ukupno planiranih 5.413 kontrola, izvršeno je 6.743 kontrola ili 124,57%.

Od ukupnog broja realizovanih kontrola, federalni porezni inspektori su izvršili 1.757 potpunih inspekcijskih nadzora, 579 ili 32,95% kontrola preuzetih iz liste rizičnih i 1.178 ili 67,05% ad hoc kontrola.

Pored navedenog, Porezna uprava Federacije BiH provodi inspekcijske nadzore priređivača igara na sreću na automatima i u kasinima, u predmetu uspostavljanje/isključenja on-line veze sa serverom Porezne uprave Federacije BiH. Naime, na osnovu donesenih rješenja Federalnog ministarstva finansija, Porezna uprava Federacije BiH vrši uspostavljanje on-line veze sa serverom Porezne uprave Federacije BiH (inicijalna veza ili povećanje broja automata), odnosno isključenje on-line veze sa serverom Porezne uprave Federacije BiH (smanjenje broja ili zamjena automata).

U posmatranom periodu u ovom segmentu su izvršena ukupno 82 inspekcijska nadzora, s obzirom da je u pitanju posebna vrsta postupka koja se identificira kao vid indirektnog nadzora.

U cilju sveobuhvatne kontrole priređivača igara na sreću-sportskih kladionica, cjelovite inspekcijske nadzore u 2022. godini vršili su Odsjeci za kontrolu velikih poreznih obveznika zajedno sa mjesno nadležnim Odsjecima za inspekcijski nadzor Kantonalnih poreznih ureda, u kojima kontrolisana pravna lica imaju registrovano sjedište.

Napominjemo, da su u periodu od 2019. do 2022. godine, izvršeni potpuni inspekcijski nadzori (sveobuhvatan inspekcijski nadzor poslovanja poreznog

obveznika iz nadležnosti Porezne uprave Federacije BiH pet godina poslovanja) kod 12 registrovanih poreznih obveznika sportskih kladionica u Federaciji BiH.

Od 25 registrovanih poreznih obveznika-automat klubova, izvršeni su potpuni inspeksijski nadzori 19 poreznih obveznika.

Realizacija svih ostvarenih kontrola ($12+19=31$) u odnosu na ukupan broj registrovanih poreznih obveznika priređivača igara na sreću ($12+25=37$) je 83,79%.

Važećim Pravilnikom o unutrašnjoj organizaciji Porezne uprave Federacije BiH (juni 2013. godine), odnosno od donošenja novog Zakona o igrama na sreću („Službene novine Federacije BiH“, broj: 48/15 i 60/15), u Poreznoj upravi Federacije BiH nisu sistematizovana radna mjesta, kao ni posebna organizaciona jedinica u čijoj je nadležnosti oblast igara na sreću. Također, Pravilnikom je sistematizovano 319 radnih mjesta inspektora, a na dan 30.06.2023. godine popunjena su 223 radna mjesta inspektora što znači da prema važećoj sistematizaciji nedostaje 96 inspektora ili 30%.

Kako se radi o kompleksnoj oblasti, navodimo primjere rješavanja u drugom BH entitetu i zemljama u okruženju:

1. Porezna uprava Republike Srpske ima posebnu upravu pod nazivom Republička uprava za igre na sreću Republika Srpska (koja u svom sastavu ima tri odjeljenja: Odjeljenje za nadzor, finansijske i opšte poslove, Odjeljenje za odobrenja, obradu poreznih prijava i analizu i Odjeljenje za pravne poslove);
2. Porezna uprava Republike Hrvatske ima Službu za nadzor fiskalizacije i igara na sreću (u svom sastavu ima dva odjela);
3. Porezna uprava Republike Slovenije ima poseban Sektor za nadzor priređivanja igara na sreću.

Prema službenim evidencijama kojima raspolaže Porezna uprava Federacije BiH dug poreznih obveznika priređivača igara na sreću u prinudnoj naplati na dan 30.06.2023. godine iznosi ukupno 63.155.400,83 KM.

Napominjemo da prema službenim evidencijama kojima raspolaže Porezna uprava Federacije BiH, Kantonalni porezni uredi u nadležnosti poreznih ispostava nema poreznih obveznika priređivača igara na sreću kojima je dospjela obaveza, a nisu izdati nalozi za plaćanje.

Shodno gore navedenom i važećoj sistematizaciji Porezna uprava Federacije BiH navedene poslove obavlja ad hoc i prema našem mišljenju uspješno u odnosu na raspoložive resurse. Porezna uprava Federacije BiH je u završnoj fazi izrade nacrtu novog Pravilnika o unutrašnjoj organizaciji Porezne uprave Federacije BiH, u kojoj je predviđeno osnivanje posebne organizacione jedinice Odsjeka za igre na sreću (koji bi pored šefa odsjeka trebao imati: dva stručna savjetnika za igre na sreću, dva stručna savjetnika za informatičku podršku za igre na sreću i višeg referenta za administrativne poslove).

S poštovanjem,

Dostaviti:

1. Naslovu
2. U spis
3. a/a

